

**Comunu de Quartu Sant' Aleni**

**Tzitadi Metropolitana de Casteddu**

**DELIBERATZIONI DE SA GIUNTA COMUNALI**

**Nùmeru 04 su 11/01/2024**

**Ogetu: TORRAI A PENSAI SA E IS TZITADIS QUARTU 2023 - PROGRAMMA ISTITUTZIONALI DE ATIVIDADIS E EVENTUS PO IS FESTAS DE PASCHIXEDDA 2023 - CUNTZESSIONI ANTÌTZIPU A FAVORI DE S'ASSÒTZIU CULTURALI LABOR.**

S'annu 2024, s' 11 de su mesi de Gennaxu, a ora de is 13.00 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

<b>Sìndigu</b>	<b>Presenti</b>
<b>MILIA Graziano Ernesto</b>	<b>No</b>
<b>Assessoris</b>	
<b>SANNA Salvatore</b>	<b>Eja</b>
<b>CAMBONI Marco</b>	<b>Eja</b>
<b>CARTA Cinzia</b>	<b>Eja</b>
<b>COGONI Tiziana</b>	<b>Eja</b>
<b>CONTI Antonio Mauro</b>	<b>Eja</b>
<b>MANCA Barbara</b>	<b>No</b>
<b>PERRA Rossana</b>	<b>Eja</b>
<b>VANINI Aldo</b>	<b>Eja</b>

Presentis: 7    Ausentis: 2

Pigat parti a sa setziada su Segretàriu Generali Maggio Paolo.  
S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

## SA GIUNTA COMUNALI

**Postu chi** custu provvedimento s'ghit is indirizus de s'Aministrazzioni e pruschetotu:

- a su DUP, cunforma a sa deliberatzioni de su Consillu Comunali n. 114 de su 19.12.2023, cun ogetu: "Nota de aggiornamentu a su Documentu Ùnicu De Programatzioni (DUP) 2024/2026 – Artìculus 170 C. 1 de su D.Lgs. 267/2000 – Aprovatzioni";
- a su Bilàntziu de previsionì finantziàriu 2024/2026, cunforma a sa deliberatzioni de su Consillu Comunali n. 116 de su 19.12.2022, cun ogetu "Bilàntziu de Previsioni Finantziàriu 2024/2026 e Nota Integrativa – Aprovatzioni";
- a su PEG 2023/2025, aprovau cun deliberatzioni de sa Giunta comunali n. 4 de su 11/01/2023, cun ogetu "Aprovatzioni de sa cumponenti finantziària de su Pianu Esecutivu De Gestioni (PEG) 2023/2025";
- a su P.I.A.O. 2023/2025 aprovau cun sa Deliberatzioni n. 25/2023;

**Postu chi:**

- est cumpetèntzia de s'Enti Locali s'erogatzioni de contributus a favori de assòtzius sena de scopu de lucru, Entis, Fundatzionis, e àterus organismus privaus po su cumprimentu de atividadis e prestatzionis chi faint parti de is fainas de su Comunu, chi mirant a obietivus sotzialis in s'interessu de sa colletividadi locali, segundu su printzipiu de sussidiariedadi orizzontali previdiu de s'urtimu coma de s'art. 118 de sa Costitutzioni;
- sa promotzioni e s'avaloramentu de sa cultura arrapresentat una de is fainas de fundamentu de s'Enti Locali;
- s'ordinamentu nostu avalorat e agiudat sa collaboratzioni intra de is assòtzius e is Entis Localis;
- su Comunu de Quartu Sant'Aleni arreconoscit su valori sotziali e tzivili e su ruolu in sa sotziedadi de is assòtzius comenti espressioni de partecipatzioni, solidariedadi e pluralismu;

**Bida** sa deliberatzioni n.314 de su 12/12/2023 chi at aprovau su progetu V-ART Festival internatzionali Imàgini de autori - Quartu Exposition "RACCONTO DI DONNE", presentau de s'assòtziu culturali Labor de Quartu S.A. po su periodu de su 11 de donniasantu a su 23 de idas 2023 P.Iva 02228480923, cun unu contributu assinnau de € 30.000,00;

**Cunsiderau** chi, cun nota prot.n 91 de su 02/01/2024, assentada me in is atus de ufìtziu, s'assòtziu culturali Labor pedit s'antìtzipu de s'80% de su contributu cuntzèdiu;

**Biu** su "Regulamentu po sa cuntzessioni de contributus e àterus benefitzius econòmicus a Entis pùblicos, Assòtzius o Organismus pùblicos o privaus", chi in s'art. 4, c. 5, previdit chi: "Sa cuntzessioni de su contributu finantziàriu, soventzioni o profetu econòmicu est deliberada de sa Giunta Comunali, siat in s'àmbitu de s'aprovatzioni annuali o de unu Programa stagionali de eventus, siat in s'àmbitu de sa cuntzessioni de unu contributu extrapianu" previdendi, in s'in casu ddu pedant, s'erogatzioni de un'acontu de is gastus in preventivu;

**Biu** su Regulamentu in vigèntzia po sa cuntzessioni de contributus e àterus benefitzius econòmicus a Entis pùblicos, Assòtzius o organismus pùblicos o privaus, aprovau cun deliberatzioni de su Consillu Comunali n. 120 de su 28/11/2022;

**Torrada sceda** de donai su mandau a su Dirigenti Setori 1 Gabinetu, At. Programa de Mandau,

Polìticas de Gèneri, Cultura, Istrutzioni Pùblica, Sport s'aplicatzioni de custu atu etotu, arrespetendi sa programatzioni previdia, cun s'adotzioni de totu is provedimentus stabilius;

**Bida** sa proposta de deliberatzioni n. 1 de su 02/01/2024 de su Setori 1 Gabinetu, At. Programa de Mandau, Polìticas de Gèneri, Cultura, Istrutzioni Pùblica, Sport, po s'argumentu in chistioni;

**Arriciu** parri a favori de regularidadi tècnica, espressau de su Dirigenti de su Setori 1 Gabinetu, At. Programa de Mandau, Polìticas de Gèneri, Cultura, Istrutzioni Pùblica, Sport, aici puru parri de regularidadi contàbili, espressau de su dirigenti de su Setori Programatzioni Econòmicu Finanziària, Controllu de Gestioni, Controllu Partetzipadas, cunforma a is artìculus 49 e 147bis, de su D.Lgs. 18/08/00, n. 267;

**Bius:**

- su D. Lgs. 18 de austu 2000, n. 267 cun su "T.U.E.L de is leis in contu de Ordinamentu de is Entis Localis";
- su Statutu Comunali;
- su PIAO annus 2023/2025;
- su DPR n. 62/2013 – Còdixi de cumportamentu de is dependentis pùblicos;
- su Còdixi de Cumportamentu de su Personali de su Comune de Quartu Sant'Aleni aprovau cun deliberatzioni n. 10 de su 30/01/2014, esecutiva cunforma a sa lei, modificada cun deliberatzioni n. 08 de su 18/01/2022;
- su Regulamentu po sa cuntzessioni de contributus aprovau cun deliberatzioni de su C.C. n. 120 de su 28/11/2022;
- su Regulamentu po su patrotziniu Comunali aprovau cun deliberatzioni de su C.C. n. 4 de su 10.01.2023;

Cun votatzioni a favori cunforma a sa lei.

## **DELÌBERAT**

**De pigai atu** de su progetu "V-ART Festival internazionale Immagine d'autore - Quartu Exposition RACCONTO DI DONNE" aprovau cun deliberatzioni G.C. 314 de su 12/12/2023, chi at assinnau su contributu de € 30.000,00 a s' Assòtziu LABOR, assentau in su capìtulu 52150 de su bilàntziu 2023;

**De pigai atu** de sa nota prot. n 91 de su 02/01/2024, in su cali s'assòtziu culturali Labor pedit un'antìtzipu de s'80%;

**De cuntzedi** a s'Assòtziu culturali Labor P.Iva 02228480923, s'antìtzipu de € 24.000,00, in sa misura de s'80% de sa soventzioni amìtia de € 30.000,00;

**De trasmiti** custa deliberatzioni a su Dirigenti Setori 1 Gabinetu, At. Programa de Mandau, Polìticas de Gèneri, Cultura, Istrutzioni Pùblica, Sport, po is provedimentus chi ddis spetant;

**De decrarai** cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.